



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-299-5/25**

Datum: **28.10.2025. godine**

«Agencija za vodno područje rijeke Save» Sarajevo rješavajući zahtjev, podnesen po službenoj dužnosti od strane Službe za urbanizam, geodetske i imovinsko-pravne poslove Općine Maglaj, u postupku donošenja Rješenja o odobrenju za građenje, za donošenje Rješenja o vodnoj saglasnosti za aktivnost uređenja lijeve obale rijeke Bosne u Maglaju na dionici Gradski most – Željeznički (Vatreni) most, od PR 28 do PR 1, lokalitet u okviru Regulacionog plana „Centar Maglaj – sjeverni dio“, na osnovu člana 109. stav (1) tačka 14., a u vezi sa članom 80. i članom 114. Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99 i 61/22) d o n o s i

ZAKLJUČAK

Odbacuje se zahtjev podnesen od strane Službe za urbanizam, geodetske i imovinsko-pravne poslove Općine Maglaj za donošenje Rješenja o vodnoj saglasnosti za aktivnost uređenja lijeve obale rijeke Bosne u Maglaju na dionici Gradski most – Željeznički (Vatreni) most, od PR 28 do PR 1, lokalitet u okviru Regulacionog plana „Centar Maglaj – sjeverni dio“, zbog nepostupanja po obavještenju broj: UP-1/21-1-40-299-4/25 od 14.07.2025. godine, odnosno zbog nepotpunosti dokumentacije i smatra se da nije ni podnesen.

Obrazloženje

Služba za urbanizam, geodetske i imovinsko-pravne poslove Općine Maglaj podnijela je zahtjev ovoj Agenciji za donošenje rješenja o vodnoj saglasnosti za aktivnost uređenja lijeve obale rijeke Bosne u Maglaju na dionici Gradski most – Željeznički (Vatreni) most, od PR 28 do PR 1, lokalitet u okviru Regulacionog plana „Centar Maglaj – sjeverni dio“.

Uz zahtjev je dostavljena slijedeća dokumentacija:

- Ovjerena kopija Obavještenja o razvrstavanju pravnog lica prema djelatnosti;
- Ovjerena kopija uvjerenja o poreznoj registraciji od 03.01.2003. izdata od strane Porezna uprava - Kantonalni ured Zenica;
- Ovjerena kopija Uvjerenja da općina Maglaj nije upisana u jedinstveni registar obveznika indirektnih poreza, izdatog od strane Uprave za indirektno-neizravno oporezivanje; Regionalni centar Tuzla, broj: 04/5-1/IV-17-1-10-517-1/22 dana 19.04.2022. godine;
- Ovjerena kopija Odluke organizovanju/organiziranju Općinskih službi za upravu Općine Maglaj;
- Ovjerena kopija Zaključka donesenog od strane Općinskog vijeća Maglaj, broj: 02-05-160/05 dana 8.2.2005. godine;
- Ovjerena kopija Rješenja o urbanističkoj saglasnosti datoj od strane Službe za urbanizam, geodetske i imovinsko pravne poslove Općine Maglaj, broj 05-23-3-2700/19 dana 12.09.2022. godine;
- Kopija saglasnosti za izvođenje radova, date od strane Sportsko ribolovnog kluba „Bosna“ Maglaj, broj: 28-09/22 dana 28.09.2022. godine;
- Glavni projekat „Uređenje lijeve obale rijeke Bosne u Maglaju, dionica Gradski most – Željeznički (Vatreni) most“, urađen od strane „IBIS“ d.o.o. Zavidovići, broj: 40-IB-G/22 od V/2022. godine;
- Novelacija glavnog projekta „Uređenje lijeve obale rijeke Bosne u Maglaju, dionica Gradski most – Željeznički (Vatreni) most“, urađen od strane „IBIS“ d.o.o. Zavidovići, broj: 40-IB-G/22 od V/2022. godine,

- Dokaz o uplati za upravnu pristojbu u iznosu od 60,00 KM.

Uvidom u dostavljenu dokumentaciju utvrđeno je ista nepotpuna te da ovaj organ nije mogao postupiti po podnesenom zahtjevu. Dopisom broj: UP-1/21-1-40-299-2/25 od 07.07.2025. zatraženo je od podnosioca zahtjeva da podnesak upotpuni u roku do 10 (deset) dana dostavljanjem investiciono tehničke dokumentacije izrađene u skladu sa uslovima datim u rješenju o prethodnoj vodnoj saglasnosti.

Podnosilac je dostavio traženu dopunu dokumentacije u propisanom roku.

Obzirom da i dalje ovaj organ nije mogao postupiti po podnesenom zahtjevu, dopisom broj: UP-1/21-1-40-299-4/25 od 14.07.2025. godine, zatraženo je od podnosioca zahtjeva da podnesak upotpuni u roku do 10 (deset) dana sa slijedećom dokumentacijom:

1. Rješenje o urbanističkoj saglasnosti za uređenje lijeve obale rijeke Bosne na predmetnoj dionici,
2. Dokaz o riješenim pitanjima imovinsko – pravnih odnosa na prostoru na kome će se izvoditi radovi kao i na trasi pristupnog puta do lokacije planiranih radova,
3. Saglasnost udruženja sportskih ribolovaca općine Maglaj na termine provođenja radova na predmetnom uređenju lijeve obale rijeke Bosne.


Kako podnosilac zahtjeva nije dopunio svoj podnesak do datoga roka, niti obavjestio Agenciju o razlozima nepostupanja po navedenom dopisu do dana donošenja ovog Zaključka, to je u skladu sa odredbama člana 121. stav (3) Zakona o vodama i člana 218. stav (2) Zakona o upravnom postupku, riješeno kao u dispozitivu ovog zaključka.

Pouka o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac Sektora za izdavanje vodnih akata

Nihad Pezo, dipl.inž.građ.

PRILOG:

- Glavni projekat „Uređenje lijeve obale rijeke Bosne u Maglaju, dionica Gradski most – Željeznički (Vatreni) most“, urađen od strane „IBIS“ d.o.o. Zavidovići, broj: 40-IB-G/22 od V/2022. godine;
- Novelacija glavnog projekta „Uređenje lijeve obale rijeke Bosne u Maglaju, dionica Gradski most – Željeznički (Vatreni) most“, urađen od strane „IBIS“ d.o.o. Zavidovići, broj: 40-IB-G/22 od V/2022. godine

Dostaviti:

- Općina Maglaj, Služba za urbanizam, geodetske i imovinsko-pravne poslove, Viteška ulica br. 4, 74250 Maglaj (sa prilogom)
- ⊖ AVP Sava, ISV – Vodna knjiga
- Sektor 40, arhiva
- Oglasna ploča AVP Sava